



Inatsisartuni ilaasortaq Aqqaluaq Biilmann Egede, Inuit Ataqaatigiit

Mittarfiit pillugit § 37 naapertorlugu apeqquteqaammut 2018-225-imut akissuteqaat

20-09-2018
Suliaq nr.: 2018 - 17525
Id nr. 33382055

Asasara Aqqaluaq Biilmann Egede

Inatsisartut Suleriaasianni § 37 naapertorlugu mittarfiit pillugit Naalakkersuisunut apeqquteqarputit. Apeqqutit ataasiakkaarlugit matuma kinguliani issuarneqarput, akissuteqaat kingulianiilluni.

Postboks 909
3900 Nuuk
Tif.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Nuummi mittarfiliortoqassappat Kangerlussuup mittarfiata qanoq inissimalernissaa Naalakkersuisut takorloorpaat?

Akissut: Kangerlussuarmi aamma Narsarsuarmi mittarfiit ingerlanneqarnerisa ingerlatiinnarneqarnissaat isummerfigineqanngilaq. Inatsisissatut siunnersuut saqqummiunneqartoq tamatumunnga isummernermik imaqanngilaq, tamannalu inatsisissatut siunnersuummi itisiliivigineqarpoq.

Apeqqut 2: Qaqortumi mittarfiliortoqassappat Narsarsuup qanoq inissimalernissaa Naalakkersuisut qanoq takorloorpaat?

Akissut: Takuuk apeqqut 1-imut akissuteqaat.

Apeqqut 3: Mittarfissat pineqartut Kalaallit Airport-ip sanaartortitai naammassippata akiitsullu tamavimmik naammassippata kikkut mittarfinnik piginnittuussappat?

Akissut: Kalaallit Airports A/S sananeqarnerisa nalaanni taamatullu taakkua naammassippata, mittarfinnut piginnittuusussaavoq. Inatsisartut mittarfiliassani naalagaaffiup peqataanissaa kiisalu Kalaallit Nunaanni inuussutissarsiornermik ineriartortitsineq pillugit isumaqatigiissummut, Naalakkersuisut aamma danskit naalakkersuisuisa ulloq 10. september 2018 isumaqatigiisutigisaannut, tapersiissappata Nuummi aamma Ilulissani mittarfiit Kalaallit Airports A/S-imit aamma danskit naalagaaffiannit, 2:1 naleqqersuutigalugu, pigineqalissasut, naatsorsuutigineqarpoq.

Apeqqut 4: Aningaasaliisartut piginneqataassappat?

Akissut: Namminersorlutik Oqartussat saniatigut suli allanik Kalaallit Airports A/S-mut aningaasaliisoqanngilaq, taamaattumillu Namminersorlutik Oqartussat kisimiillutik piginnittuupput. Aammattaaq apeqqummut 3-mut akissuteqaammi oqaaseqaatit innersuussutigineqarput.

Apeqqut 5: Ingerlatseqatigiiffiit sorliit piginneqataassappat?

Akissut: Ingerlatseqatigiiffiit Kalaallit Airports A/S-imi aningaasaliissasut, inatsisissatut siunnersuummi saqqummiunneqartumi siunnersuutigineqanngilaq.

Apeqqu 6: Kommunit mittarfiliorfigineqartut mittarfinnillu "annaasaqartut" sulisoqarnikkut qanoq eqqorneqassappat? Tassunga atatillugu kommunini sunniutissarpassuit pillugit suliffissallu pilersitassat annaasassallu pillugit Naalakkersuisut misissuisimagunik saqqummiussinnaavaat?

Akissut: Inatsisissatut siunnersuut saqqummiunneqartoq, Qaqortumi, Ilulissani aamma Nuummi mittarfinnik nutaanik sanaartornissaq pillugu Inatsisartut aalajangiinerannut naapertuuttumik suliarineqarpoq. Mittarfiliassat pineqartut taakkua inuiaqatigiit aningaasaqarneranni taamatullu nunap karsianut missingersuutini aningaasaqarnikkut nalilersorneqarput, taamaalilluni aalajangiinissamut tunngavissat, mittarfiit inuiaqatigiit tamarmiusut aningaasaqarnerannut pitsaasumik sunniuteqarnissaannut tunngasut, pissarsiarineqarput.

Mittarfiit nutaat taakkua naammassereersimalerunik, qanoq kommuninut ataasiakkaanut sunniissanersut, misissueqqissaarnernik aalajangersimasunik maannakkorpiaq suliaqartoqanngilaq. Aammattaaq mississueqqissaarnerit taaneqartut innersuussutigineqarput.

Apeqqu 7: Mittarfissat sananeqartussat pillugit EU-p akuersissuteqarnissaa Naalakkersuisunit qulakkeerneqareersimava?

Akissut: EU Kalaallit Nunaanni mittarfinnik sanaartornissamut akuersissuteqartussaangilaq.

Inussiarnersumik inuulluaqqusillunga



Simon Simonsen